



鄭俠字介夫福清人第進士調光州司法叅事秩滿入  
都見安石言新法非便安石不悅使監安上捐會久旱  
俠繪門上所見流民困苦圖發馬通授銀臺進之神宗  
覽圖嗟唏罷新法浹日大雨用事者爭置俠擅發馬通  
之罪編管汀州改英州哲宗立放還除泉州錄事叅軍  
元符復送英州建中靖國放還復前職崇寧監衡山廟  
旋追毀前命勒停五年降告復將任郎叙用俠遂不復  
出在英時號大慶居士還鄉所存唯一拂故又號一拂  
居士宣和元年忽夢鐵冠道士遺之詩視之乃子瞻也  
嘆曰吾將逝矣作詩云似此平生只藉天勝如過鳥在  
雲煙如今身畔無餘物贏得虛堂一枕眠授孫而卒年  
七十九嘉定中謚曰介俠少苦學其古詩疎朴老直有  
次山東野之風不得以當行格調律之

謝太守答詩萊州

西塘詩鈔

一

開齋掩書扉疎竹間風韻兀坐無所爲仰高方苦峻關關  
兩喜鵲如以捷來獻疑其喜過常精爽抑何頓謂當有嘉  
賓結駟問原憲不然親交書萬里來問訊何意二千石新  
書爛盈卷使者入衡門紅光十餘仞衣冠出蓬室再拜望  
城闕開緘列宿動芒角相輝煥捧讀未終篇欽降已三歎  
譬如涉春波渺不知涯岸又若驚雷霆但覺目眩轉誰言  
匹夫窮陋巷一簞飯篋有無價珍貴子青玉案昨者鄙俚  
辭惟求指瑕豈敢期明月珠傾寫殊不恪重重借褒譽許  
與良過分酷愛愚且直還憐貧且困惟人最難知聖哲其

猶恨自非明如日安得物無遁程孔昔中途邂逅適所願  
傾蓋畢所懷日西不知倦聖賢欣道合萬古直一瞬淒涼  
千載餘此道誰復振未聞似今日曾不拜公面顧遇過所  
親思知久彌浚重念樗散材平生慕忠順青衫百僚末言  
責固所追若其愛君心豈以爵祿辨謂宜爲民上必與同  
喜慍謂宜食君祿寧當復私狗刀斧且滿前斯誠豈磨磷  
千載幸一時岩廊拱堯舜夔臯無人共鯨偶未窺脊委  
一失真聰明不無亂出令以便民動皆爲深患疲羸死飢  
凍重負遭囚絆奔逃苟自活父子潛分散以天征不義如  
以雨蘇旱簞食迎王師東征西 怨未聞百萬帥戈鋌日  
持玩南取十數洞西開五六郡府庫爲一空白骨成龍斷  
大臣弄權柄生殺在顧盼威福不有歸佞邪尚何憚公忠

西塘詩鈔

二

獲罪咎正直招訶譏幽恚鬱不伸變異以頻見陰陽爲之  
沴淫潦仍乾曠方且頌太平長歌事賡賚天子九重門深  
居拱間燕人人懷欺匿比周相引荐以俠觀此時網維一  
何紊滔滔悉皆溺心竊擬手援是以屢上章指陳幾欲遍  
初雖蒙嘉納終不離讒間棄逐來窮陬星霜兩經閏眷紳  
滿朝著大半嗟排擯誰爲憫窮禍粟帛推餘羨誰爲念孤  
獨齒牙借餘論重傷棄逐久不敢畧自辯高堂有單親日  
久庭闈戀同時得罪人一赦皆從便惟茲尚遠斥不許歸  
寧覲擬扣闥闔門明颺紫宸殿恨無可言路勇決固所斷  
嗟嗟道云亡丈夫兒女懦勢利同險巖風雲借餘便誰非  
顧金錢誰非思達宦孳孳顧理義惻惻念寒峻如公今幾  
人百世紹休聞

觀孔義甫與謝致仕詩有感

人生足清閑天下第一福惜哉聲與利舉世方逐逐君子  
耀軒裳小人腴口腹霜雪滿頤頤馳競心更速誰如東山  
後清風千載續仁孝實天成聰明乃幾燭弱冠揖高科聲  
華光煜煜馭驥駕夷途千里在舉足歲未再周天官先上  
應宿皇華屢更指問請分符竹端介奉高明慈仁撫笑獨  
施設妙通神歡謳道相屬一旦遽上章幡然謝羈束古人  
泄官政五十曰艾服公年未五十懇請竟從欲緬彼彼與  
軻進退遺佳躅三揖就恩榮一辭託巖谷由公仕以觀其  
庶無愧慙東臬我田園負郭予室屋見姪幾百人圖史逾  
千軸親舊旣周旋閨門更雍穆賓來酒一樽興來碁一局  
吟嘯動煙雲詩書到僮僕寧知地有仙但見人如玉乃覺

西塘詩鈔

三

世間人爲生何局促譬如方污垢對之獨薰沐孔公當代  
賢宜其欽愛酷慷慨出長篇情殷語重複日日動歸思浩  
浩見林麓何意蒙鄙人幸茲一觀矚當筵頓忘味如聽簫  
韶曲平生粗意氣自初得書讀每見古聖賢心常自程督  
知身是罪根每每自鉏斲如彼善稼穡去草茂嘉穀深嘉  
遠世網有若囚脫梏惟茲素艱貧事與心反覆歷官二紀  
周一紀投南隩歸時異去時聖主恩霖霖方欣到家鄉足  
覺愁慮簇高堂皓垂白甘旨不饒沃四弟兩背亡未言他  
骨肉繼文喪一弟三房等窮蹙不數姆與婢孤孀十有六  
薄業支半年一飯猶五菽蕭然夏秋際甚者日食粥人惟  
有父子恩親家室睦惟知有君臣禮義朝廷肅二者苟有  
違三靈共誅戮况茲生理辰熙隆遇堯學艱虞免兵革少

小遊庠塾青春被恩擢名姓粗揚暴孰非累聖德師誨而  
君牧中間更狂妄天聽常輕竇云云不少已竟致御史鞠  
所負鼎鑊輕敢意尚收錄日月忽中天湛恩我濯浴父子  
實再逢君臣亦敦復新恩胡爲報舊過云何贖父母教子  
勤羽括而礪鏃朝夕望乃成榮顯被親屬慈身於反哺知  
以報生鞠學術不寸施猶之玉韞匱千載邁明良不能少  
負輻是生天地間曾不如草木以此望明公雲中一鴻鵠  
臘月十八日呈子京

歲去如奔馬殘日十有三姪爲當嫁女甥是未婚男叢然  
猥俗併殊非力所堪嗟予本支離塵事素不叅東牀書一  
架西榻經一函如是歲月深吻舌如滕緘惟有陶淵明常  
欲共清談牀頭酒盈壺亦欲同醺酣二十一二間煩事如  
掃芟期使堂下空宴笑同所耽清樽酌宜深古語交蘄若  
夜久燈熒熒金波忽東南歲宴獨優游庶幾爲不凡

示潮州吳宅三甥

大郎性純淑至寶受磨琢二郎姿秀美白塵光閃爍三郎  
神照藏宛若雛在歲五彩翔鳳翰參差見斑駁三人吾令  
甥亦嘗從吾學昊穹有顯通報應無舛錯未有祖慶厚而  
招子孫薄二親又善教曾不開飲啄甥雖多似舅三子自  
超卓爲文要根理覽古務詳博不惟子三人萬世同矩矱  
慎勿學舅癡直指也奸惡心雖在規益世誰受忠諤立身  
旣不危青雲在挈攬

示女子

吾生鮮兒女汝次今居首柔惠少語言天性非矯揉女生

必有適二親非終守既嫁又他州安能長相就幸然汝夫  
賢純淑真汝偶出門天其夫禮律其來久汝姑吾之妹姑  
夫爲汝舅事舅如事父事姑如事母三者無所闕汝則無  
大咎門內有尊親門外有親友歲時或餽助祭祀合奔走  
一一無間言乃可逃父醜治家在勤儉臨財戒多取誦經  
味其理聖心良可究卽事念慈和無但勞吻味善看育與  
蟾二子吾珠鍔汝嫁旣違鄉吾遷又遠趣東去十八程西  
來二十九三四千里間吾視堂猶牖人生否與泰正若夜  
隨晝但當道無虧不媿載與覆憶昨汝初生時吾心有負  
以爲臣事君卽是子事父閨門有危難誰不在悍疚推其  
愛父心誰不得前剖幸爲男兒身許國自結綬安能冷眼  
看終不一開口封章重寸上夫豈避鼎斧南州雖謫逐萬

西塘詩鈔

五

死蒙恩宥行行出國門母馬吾徒步汝生未三月正當時  
襍乳雪片落鵝毛霜簷懸凍溜汝母斂汝身寒風裂雙肘  
驅馳僅逾時粗糲不敢吐殘春到貶所歲卯俄及丑汝時  
年十二稍稍近針縷是歲真龍躍重明登九五湛恩被遐  
荒漸漬到枯朽拜命走親庭便道從海浦旣見汝姑賢汝  
乃吳氏婦我乃緣他人謹斥循其舊人皆念再逐道路或  
攢皺我以臣子心等視如榮授人生無患難憤勵亦何有  
况茲尋前道復見迎賢埃旬月得相聚天與幸誠厚君命  
不可緩病已斯馳驟南北出靡常惟祈各寧壽舉足念其  
身行幽如白晝又當風夜間警戒其君子神靈依正直惟  
仁孝是祐書信或往來知汝無病苦爲婦洎爲母皆不處  
人後定當舉家歡相慶酌大斗勝彼淚滂沱臨期一盃生

六環助潮士鍾平仲納官輒辭贈以詩

揭陽繁富州鍾子處城閉怡然保清操不與世俗換豪家  
富廩庾鼠雀嫌陳爛鍾子無田園斗糴供哺旦甲第闢公  
門奴僮立如雁鍾子無使令其子供饋盥無妻備組紉無  
婢奉炊爨市屋十數椽屨商是隣呼冥陰滋蠹蝕飛屑落  
八案炎蒸鬱不通揮扇尚流汗絃誦不輟音學海窮瀾漫  
文章有星斗胸臆藏璀璨何殊盛衣冠而坐於塗炭下藥  
百十包虫腐皆逾半經年無人顧蛛網潛滋蔓苦李十數  
株採摘亦素幹此外乃一無兒女不蔽骭固非人所堪隨  
分亦侃侃何意官物租添輸告踰貫太守爲學校芹茹思  
樂泮買田垂萬年供給期無岸誰人不樂輸我獨無計辦  
此時私愁憂幾至方寸亂我身因長途脫身自投窟聞此  
心惻然不覺潛浩歎六環聊助君驚股難廣獻聊欲分子  
憂使免頻勾喚知子謂子貧不知謂矜慢斯則朋遊愆此  
時那可斷子猶重辭讓揖拜如戰汗急取慎勿辭六環如  
六萬

西塘詩鈔

六

再到吳子野歲寒堂

再到歲寒堂仍登歲寒閣閣上與堂前物物皆如昨鉄幹  
偃虬龍雲峰自巖崕文章有神力璧笥光彩錯主人歲寒  
翁古意何淡薄山肴具樽酒忻喜爲我酌高論寫胞懷千  
弩射鯨鱷速悟有寶龜靈通非火灼辯議恣酬答亦以資  
笑謔想翁賓去後前尚徐徐鑰萬卷羅目前舒卷良自若  
盛暑一榻風神寒一爐藥翛然去與來一箇無住着我亦  
淡泊人世味聊咀嚼無種不取嘗畢竟何美惡但聞歲寒

風便覺世齷齪今茲翁如龍看彼皆尺蠖今茲翁如鴻視  
彼皆籠縛故願歲寒翁高收歲寒脚踞坐百千年看春華  
秋落無令木石心長笑人脆弱

古交行

大海有時竭此心瀝不乾厚地有時坼此心無裂文持此  
以相照百鍊青銅昏用此以相惠貝壁黃金盤靚面有餘  
歡背面無間言德義以相高慶譽以相先千古似一日萬  
里如同筵此爲金石交誰與知者論

教子孫讀書

水在盤盃中可以鑑毛髮盃盃若動搖星日亦不察鏡在  
臺架上可以照顏面臺架若動搖眉目不可辨精神在人  
身水鏡爲擬倫身定則神凝明于烏兔輪是以學道者要

西塘詩鈔

七

先安其身坐欲安如山行若畏動塵目不妄動視口不妄  
談論儼然望而畏暴慢不得親淡然虛而一志慮則不分  
眼見口卽誦耳識潛自聞神焉默省記如口味甘珍一遍  
勝十遍不令人艱辛

賦公悅席上事送周如京

逢世路分

疑

歸洛陽有客邂逅樵溪曲高談傾蓋萬珠璣

相對崇朝惟不足武陽太守山蒲徒喜賢樂事天下無爲

客留公駐斯須猜庖饌玉歌貫珠坐中賓客皆豪傑凜凜

清風生頰舌性情浩浩談云云不待酒味旣凜冽逡巡行

幕如風翻二姝新出屏幃簡一人捧心餘故態對客悄悄

眉峰攢一人襜裾半雲霧仙袂應曲飄飄舉解作陽關意

外聲舊人只把花卿數此宵嘉會世所稀席上更覽周侯

詩彫金有格但聞說不覽新集那得知使于周侯非甚舊  
朋友十輩識公九此公惜別事如何反覆清篇還執手龍  
韜虎畧何處藏却向吟筆呈鋒鋌堪作太平祥瑞錄將軍  
白首弄篇章

謝太守惠酒

重陰未肯避陽明飄風驟雨加震凌正月已缺二月近滴  
水成凍威稜稜帝雖乘震利發生令猶行冬重嚴凝鬻皆  
遷喬忽入谷魚已弄爨翻藏冰此時草木亦成愁祗恐不  
得達其萌吁嗟羈窮影弔形安得恣然如無情明良會合  
千載遇乃以罪棄投荒荆親萬里頭應雪不得朝晚奉  
甘馨闔嶺之南方弄兵殺氣殊與生成爭既不能輔助聖  
時使咸若又不得慷慨帝前效昔人之請纓詩書滿腹浪

西塘詩鈔

八

自飽一句不得推而行身雖兀坐心惕驚愁緒忽起填膺  
膺但聽曠野深林調調刁刁如有神號鬼泣聲真江太守  
真慈明惠施氣每先單笑眼前突兀雙玉瓶滿貯玉液清  
冷冷拜公之賜未敢傾不覺失笑三問生不學憔悴愚獨  
醒哺糟啜醢隨其朋往往一飲一石五斗解醒被人呼作  
生劉伶雖然遇酒而酪酌心不汝醉神亦寧開樽又飲太  
守德和氣坐覺生簷楹不知凝冽自何去至于愁息皆自  
澄乃知春功亦不遠緘封祇在瓶與罌安得遽爾披重雲  
劃見白日臨青冥和氣習習扇九壤枯枝朽質爭敷榮風  
雨時秦階平聖君萬壽寰海清細草輕煙日邊路鳳管龍  
絲細可聽有耳不聞聲與鉦有目不識旗與旌聖功浩蕩  
不可名

醉翁行贈黎師醇

金峰醉翁七十九行步龍鍾面鰲垢惟有滿腹奇文章日月爭新無老醜頰舌鏘洋言不苟咳唾成珠須信有兩眼如星照耀入見客偏明儼如舊問翁壯年愛碁酒邇日還如昔時否曰予不戰猶好看日飲常能傾一斗因持碁酒前就翁明日壺漿復予就朱君貧苦亦好奇接續攜持窮清畫城中遑遑競趨走覲面草草忘親友幾人樽俎暫從容笑傲松篁弄花柳寧知此郭予三人繼日相從辰到酉龐眉皓髮常溫然相見妙齡眉目秀惜哉才高命蹇成遺滯四十餘年州縣吏棄之林野混漁樵徒使知音動嗟喟愚聞天道高遠不容人測度無奈人能樂其樂故有鼓琴重圍行歌遺穉浩然克塞不以世俗瑣屑累寥廓愚觀翁之子孫誥誥繩繩此其後慶爲不薄世俗母以翁老生輕心須知此翁頭白面黧而英心義氣天地不得而銷鏹

連州斛嶺寨井

斛嶺寨行雲際下視長江入地底汲江登嶺行三里躋攀峻險爲艱爾將率居民幾半千度歲終年苦無水爰自慶曆達元符循舊安常誰擬議元符太守何公賢愛民慮事誠而至以爲山頂流泉鮮其事吾觀古人行師動萬億所至豈必皆平地軍必有井井未達將渴不敢聞衆耳陰陽者流以水照星星之所聚泉所委行行浚鑿三日遇泉井成矣乃今三井如鼎趾豈特當年負甕操縵僕僕往還之人爲慰喜吾欲後之人知井所以起敬守前功無委圯必使甃砌長如今日之清泚萬萬斯年施何已故作此歌勒

諸斛嶺之市

苞苴行

苞苴來苞苴去封書裏信不得住君不見箕山之下有仁人室無杯器以手捧水不願風瓢挂高樹

瑞像閣同楊驥雪夜飲酒

濃雪暴寒齋寒齋豈怕哉書隨更漏盡春逐酒瓶開一酌留孔孟再酌招賜回酌酌入詩句同上玉樓臺

和荆公何處難忘酒詩

何處難緘口熙寧政失中四方三面戰十室九家空見佞眸如水聞忠耳似聾君門深萬里安得此言通

次張子京遊天王湖作

湖上遲遲不忍還談玄清徹幾重關旋嵐野馬皆歸靜逝鳥潛魚各自閒墜果露集秋後樹淡煙斜日晚來山吟精

西塘詩鈔

十

到此何終極注目紅雲紫霧間

同子忠上西樓

偶因送客上西樓其愛佳城枕海陬雁翅人家千巷陌犬牙商泊數汀洲風吹細雨兼秋淨雲漏踈星帶水流獨有單親頭早白迢迢東望不勝愁

次孟堅初冬晴和見梨桃二花作

十月南天尚暑襟幽花何怪動清吟半扉素蓋呈修徑幾朶天紅出茂林地借小春回暖氣日勻踈影轉輕陰惟應幕府多才俊不負行臺醉賞心

幽居

蕭條深巷寄門墻城郭村居事異常石展地衣三藥徑錦

圍天柱十花檣幽禽隔樹鈎膠語異草搖風合和香不覺  
冬歸與春到但知無事日偏長

煙雨樓

仙人居處卽鼇宮更作層樓峭倚空羣岫西來煙漠漠大  
江南去雨濛濛花鑣柳策蹏怡裏耘笠漁蓑笑語中別有  
夜楹千里月凭欄清興與誰同

示潮州妹子

八人兄弟三人在獨立他州信汝賢直使無情如槁木忍  
看垂淚念南遷從今依舊歌泉水何物偏宜寄謫仙美酒  
年年須百甕好從南海便乘船

和子京霜字尾寄

秋深園圃雖無雨晚歲頭鬢自有霜身事無功且人事酒

西塘詩鈔

十一

囊餘地乃書囊寒鴉嘯侶鳴喬木粉蝶成圍過矮墻對此  
每思良友伴幸時來訪浣愁腸

次韻知郡登高言懷

莫向天涯說故鄉人身不似雁隨陽黃花滿手空佳節千  
里有懷如寸腸爲許功名酬聖代不須愁緒付瑤觴男兒  
不是閨中物生則彘弧射四方

次韻張老見贈

烏鷄螻蟻有君臣此義如何易世塵欲爲無窮宗社計官  
憂如幻灰生身八千江上奔馳路十二天南黯淡春歸到  
親闈捧杯酒始知終是福唐人

觀碁

三百六十路通精此有門數奇藏日月機發動乾坤對面

知爲敵渾輸却有翻詐貪常易喪仁守乃長存隻子如輕  
用全功更莫論就令投險勝寧抵被圍奔縱得四方盡寧  
同一腹尊傍觀饒好着當局奈噀言慙規中孚信幾危大  
壯藩坐觀成敗者安得不驚魂

出御史臺

萬險千艱六出身如今也得避囂塵須知從此寒原上有  
箇行歌拾穗人

道中見以索牽五六十人監理錢者

可憐平地不生錢雅老累累被索連困苦新圖誰畫此祇  
愁中禁又無眠

西塘詩鈔

十二

廣陵詩鈔

王令字逢原廣陵人也年十數歲與里人滿執中爲友  
偉節高行特立于時王安石赴召道由淮南令賦南山  
之田詩往見之安石大喜期其材可與共功業于天下  
因妻以其夫人之女弟年二十八而卒令詩學韓孟而  
識度高遠非安石所及不第以瓌奇也惜限於年耳

寒林石屏

號山之遠數千里號石之重難將持舟車號來每苦重釜  
盜尚棄不肖攜苟非世尚且奇怪孰有甚遠載以來何況  
號人自珍秘得一不換千瓊瑰流傳中州盛稱尚主以詫  
客客見所世人賤真珍貴假見者喜色留膚皮強材美幹  
立修蔭羅列滿野誰復窺我嘗客坐例一見實亦可愛小

廣陵詩鈔

一

且奇初疑秋波瑩明淨魚子變怪成蛟螭鱗鬚爪角尚小  
碎但見蜿蜒相參差又如開張一尺素醉筆倒畫胡髯髭  
如何石上非自然猶是軟弱從風枝高樓曉憑秋色老煙  
容雨氣相蒙垂喬林隱約出天際醉目遠暝分茫微不然  
誰家老圖畫破碎偶此一片遺借令人手弄點畫尚恐巧  
拙成瑕疵如何石理自生長安得當世無猜疑高堆黃金  
募辨說萬口利銳如磨錐或云南山產巨怪意欲手把乾  
坤移先偷日月送巖底次取草木陰栽培天公怒恐寢成  
就六丁挑斧摩雲揮世人乘此得分裂鍛琢片段賡財資  
至今風雨號山夜樹石號作神鬼悲又云春氣入山骨欲  
自石裏生蒿藜根株芽檜未及出卒遇匠手相鑿隳多稱  
老松已變石此固剪截根鬚離又云鬼手亦能畫多向石

室成屏帷固知物怪浩難盡誰能向此明是非城狐老能  
男女變海蜃口或樓臺吹世間自是有此類何必詰曲窮  
所歸細思此屏竟無用石不中殫木莫一作不支徒將文理  
有小異招聚瞽說成籠欺喘哉閉口不復論爲語愛者無  
我譏

贈慎東美伯筠

世網掛士如蛛絲大不及取小綴之宜乎侷儻不低斂醉  
脚倒踏青雲歸前日才能始誰播一口驚張萬誇和雷公  
訴帝喘似吹一作乞沙澆盛恐聲名塞天破文章喜以怪自娛

不宥裁縮要有餘多爲峭句不姿媚天骨老硬無皮膚人  
傳書染莫對當破卵驚出鸞鳳翔間或老筆不宥屈鐵索  
縛急蛟龍僵少年倚氣狂不羈虎脅插翼赤日飛欲將獨

廣陵詩鈔

二

立跨萬世笑謂李白爲癡

一作嬰

兒四天無壁纔可家醉膽

憤癢遣酒拏欲偷北斗酌竭海力拔太華塵鯨牙世儒口  
軟聲如蠅好于壯士爲忌憎我獨久仰願得見浩歌不敢  
兒女聲

寄題韓丞相定州閱古堂

始聞定作閱古堂又聞定有閱古詩揚之遠定五千里思  
得兩翅擘以飛偶聞人來說堂事初敞兩壁無塵疵間時  
公來命繪匠親以玉指交畫揮教令某載若某狀匠拜奉  
命唯不辭左圖守相父母吏右狀將帥熊羆姿長冠戎裝  
偉笏佩鬪以玄白爲裳衣吃如丁寧立以議遜若避讓行  
而隨圖成嚴毅色可聳過吏不敢竊目窺仍令大筆署行  
事寫出黑臙朱肝脾死者有靈如不混合有英氣來附茲

故公之謀不知出宜有神鬼一作陰助奇茫茫九泉謂已

朽豈意一旦存形儀請留中壁素莫繪待千歲後公以歸

當搜國匠第一手狀寫公像存依稀要知文完武純備遺

與萬世瞻思資我知觀者足墮淚不復覘首羊公碑又聞

當世大手筆磊砢詩句相撐支手搏蛟龍拔獬角爪孽虎

豹全脫皮鄆州溪堂遂寂寞韓詩塵蔽人不吹想應從此

傳萬世粹玉貫串珠縈繫小戎何為尚縮伏久滯公斧血

不滋何時功成事業就兩手一掃清三壘一作歸來天子

喜以頷泰階輝煥平無欹次招當世草茅士各使呈露心

腹披締裾聯纓上廊廟留與後世圖為師然後回謝閱古

堂彼合異代今一時

龍興雙樹

廣陵詩鈔

春城花草窮朱殷俗兒趨走脚欲穿閑來無惊喜自適時  
到雙樹為奇觀莊如天官植幢蓋毅若壯士蒼衣冠老枝  
又牙忽並出似欲併力擎青天靈根淡盤不可究疑與地  
軸相拘攣不知培栽竟誰手而又始植為何年行捫步遠  
不可問但見茂色連雲煙東風牽人少游此佛屋日日重  
門關雖有大蔭人不及于此尤得志士憐束蒿為楹樗為  
柱居者略不憂其顛廼令遺材抱美植不得總載柄與椽  
高堂傾欹未支柱匠者日亦經其邊不思大幹有強用反  
以斧鈍難其堅吁哉誰是愛材者定知惜此雙樹篇

原蝗

蝗生於一作野誰所為秋一母死遺百兒埋藏地下不腐  
暇疑有鬼黨相收一作持寒禽冬饑啄地食拾掇穀種無

餘遺吻雖掠卵不加破意似留與人爲饑去年冬溫臘雪  
少土脈不凍無冰嘶春氣蒸炊出地而戢戢密若在釜糜  
老農頑愚不識事小不撲滅大莫追遂令相聚成氣勢來  
若大水無垠涯蓬蒿滿眼幸無用爾縱嚼盡誰爾譏而何  
存留不咀嚼反向禾黍加傷夷鳴鴟啄銜各取飽充實腸  
腹如撐支兒童跳躍仰面笑却愛甚密嫌疎稀吾思萬物  
造作始一一盡可天理推四其行蹄翼不假上旣載一作戴  
角齒乃虧夫何此獨出羣類旣使跳躍仍令飛麒麟千載  
或始一作始一見仁足不忍踏草萎鳳凰偶出卽爲瑞亦曰竹  
食梧桐棲彼何甚少此何衆况又口腹害不訾遂令思慮  
不可及萬目仰面號天私天公被誣莫自辨慘慘白日陰  
無輝而余昏狂不自度欲盡物理窮毫絲要祛衆惑運獨

廣陵詩鈔

四

見中夜力爲窮所思始知在人不在天譬之蚤虱生裳衣  
捫搜撥捉要歸盡是豈人者尚好之然而身常不絕種豈  
此垢舊招致斯魚枯生蟲肉腐蠹理有常爾夫何疑誰爲  
憂國太息者應喜我有原蝗詩

題滿氏申申亭

申申亭者名自誰河東丈人身銘一作名之方其作亭自休

息固欲申暢名其題雖然自奉頗優樂豈敢兼忽當世爲  
若曰所憂非所及因以遞世無悶辭丈人疎高喜自適去

不限約來無時門無賓僚車馬絕室有几杖衣冠一作巾冠一作巾欵

夜徑行招海月伴晝榻坐與天雲期春林暄和鳥聲好勝

聽俗論相啞一作啞啞塵埃縱爾得風力卒不到此徒自飛

亭前朱朱有冷態亭下白白無俗姿好木留存竟見實惡

草鋤拔無容茨嘗聞景勝未易敵須有大句相參差故吾  
經年不敢往日望詩老力可支偶來爲游適已晚花稍尚  
有春餘遺高哦遶樹惜時節拾嚼紅片行透遲回看北林  
竹萬箇寒氣翠一作翠欲起凌人威清風時來助氣勢塞甲夜  
聚言語私方將投開日來此腳踏樹下成交蹊無端塵土  
又爲隔明日跨馬西北馳心思夢好定頻到不必直俟歸  
風吹

聞太學議

白日流上天牛蝨無遁形萬目盡爲用而不駭日明穴鼠  
夜值螢啖啖相聚驚鼠穴不日通鼠足不日行已矣不日  
識迺此螢燭矜鮒蝦陷井坎莫與江海爭籬禽不天飛詎  
識雲漢冥冥咄哉浮薄兒勉爲高大營

廣陵詩鈔

五

贈別晏成績懋父太祝

懋甫相門兒家世沓纓統早年綴官簿青衫蔚於茨本宜  
多驕矜不謂銳義敢意貪英雄交一手欲四攬偶來濫予  
會臂擲首已領酒擗誇胸襟頂踵都一膽壯心羞摧藏義  
肉喜菹歌要言相死從一作死顧豈苟難斬聽其自陳論

峭拔不平漸要之當一切固合不駸黯一作憶余少年時

亦自喜點澗于今老而悔壯意日凋減惜夫相遇遲君放  
我已檢驟聞強大語若虎餓得啗已無相高心徒有志氣  
感春風吹天昏醉目睨愁懸念當相別去兩懷不無慘何  
時重來過慰我洞轍險惟其別去後猶一飽復歎幸因西  
南風時作寄我槩

夢蝗

至和改元之一年有蝗不知自何來朝飛蔽天不見日若  
以萬布篩塵灰暮行嚙地赤千頃積疊數尺交相埋樹皮  
竹顛盡剝結况又草穀之根芟一蝗百兒月再孕漸恐高  
厚塞九垓嘉禾美草不敢惜却恐壓地陷入海萬生未死  
饑餓間支骸遂轉蛟龍醢羣農聚哭天血滴地爛皮蒼蒼  
冥冥遠復遠天聞不聞不可知我時爲之悲墮淚注兩目  
發爲疾蝗詩憤掃百筆禿一吟青天白日昏兩誦九原萬  
鬼哭私心直冀天耳聞半夜起立三千讀上天未聞間忽  
作遇蝗夢夢蝗千萬來我前口似嚙鼻色似窺初時吻角  
猶啣啖終遂大論如人然問我子何愚乃有疾我詩我爾  
各生不相預子何詩我盍陳之我時憤且驚噪舌生條枝  
謂此腐穢餘敢來爲人譏爾雖族黨多我謀久已就方將

廣陵詩鈔

六

訖天公借我巨靈手盡拔東南南竹稻松屈鐵纏縛都爲帚  
掃爾納海壓以山使爾萬噍同一朽尚敢託人言議我詩  
可否羣蝗顧我嗟不謂相望多我欲爲子言幸子未易呶  
我雖身爲蝗心頗通爾人爾人相招呼飲啜爲主賓賓飲  
啜嚼百豆爵主不加詬翻歡欣此竟果有否子盍來我陳  
子應之曰然此固人間禮儀介迎召來飲食固可喜蝗曰  
子言然子食何愧哉我豈能自生入自召我來啜食借使  
我過甚從而加詬爾亦垂嘗聞爾人中貴賤等第殊雍雍  
材能官雅雅仁義儒脫剝虎豹皮假借堯舜趨齒牙隱針  
錐腹腸包蟲蛆開口有福威願指轉賞誅四海應呼吸千  
里隨卷舒割剝赤子身飲血肥皮膚啞啞善人黨嚼口不  
宜吐連牀列竿筴別屋閑嬪姝一身萬椽家一口千倉儲

兒童襲公卿奴婢聯簪裾犬豕羹膏梁馬廐餘繡塗其次  
爾人間兵阜倡優徒一作兵倡子不父而父妻不夫而夫

臣不君爾事民不家爾居目不識牛桑手不親犁鋤平時  
不把兵皮革包矛及開口坐待食萬廩傾所須家世不藏

機繪繡繇一作繡衣襦高堂傾美酒鬱肉鱠百魚良材琢

梓楠重屋擎空虛貧者無室廬父子一席居賤者餓無食

妻子相對吁貴賤雖云異其類同一初此固人食人爾責

反捨且我類蝗自名所食况有餘吳饑可食越齊饑食魯

邾吾害尚可逃爾害歿不除而作疾我詩子言得無迂

寄滿執中子權

吾愛子權詩苦嚼味不盡窮思欲名狀百比無一近初如  
貪追兵屢請忽許進旗旄交叉幢戟劔後先刃方爭奮拏

廣陵詩鈔

先忽覩斬亂狗徐驅得平郊萬甲合一陣偏裨走起頗中

堅坐吳臚賊呀鬪志酣髣髴窮敵訶前軍奔交兵後馬走

斷綳須臾聲金休萬噪快一雋羣降挑戈矛叩拜乞用費

蒼黃請命間竊視不敢瞬玄雲壓空虛半夜暴霆震睡耳

起欲掩驚仆失肝腎壯者固已然况余乃齟齬及其久詳

味欲吐復自恡有如羅百珍次第嚼嚼順貪豐不辭多愛

美忘餘餒故其留人口雖久咽喉潤何時匹馬來一作東畏

愛氣兩振唯其未合間如不獲謝藹望風爲此詩顛倒猶

合燼

再寄滿子權二首

秋近啼哀蟲君思云奈何我愚得君思合少君賢勞我心  
則多非獨辭源長瀉海爲江河平生未始有點缺玉日拂

拭金燒磨尋常軀與狸見一足已蹉又况一地卧三虎狗  
斃雖勇何敢過揚州我何思青山無一螺午市不畜寶米  
鹽纔如宅而吾三夫子一身各丘軻瓊林自生寒結霧成  
水柯文章日組緯玉機飛金梭誰有真珠繩結何張麟羅  
拔爲當世祥聲爲太廟歌我願參衆民手足搖婆娑

有錢莫買金多買江東紙江東紙白如春雲獨君詩筆宜

相親綴聯卷大十牛腹要盡寄我無寄人我將攜之東一作  
攜之東海去脚踏海水洗齒脣轉來清激飲百斛蕩滌腸肺無

纖塵嘗聞泰山高高處天爲郊借如無梯不得上亦欲大  
叫呼天神鋪陳君所詩謀口雷鼓振世多俗耳旣莫告當  
冀上帝依稀聞正聲定不感凡類舞躍百鳳千龍麟安能  
學俗兒一卷不復伸天公聞否尚未快一作安得鐵翼穿

廣陵詩鈔

八

秋旻

答束微之索詩

世味久已諳多惡竟少好惟詩素所嗜決切欲淺造人安  
已不休衆耻我獨冒有如獵行跡欲改復自蹈肝腸困搜  
尋吻舌倦搏造心靈無餘多爲此日有耗已勤尚無成旣  
苦每自勞自笑如秋蟬饑極不止噪努力排韓門屈拜媚  
孟竈惟此二公才百牛飽懷抱我如餓殍一作者眈眈不  
得犒不知去幾多窮行竟未到無門隔藩籬發罅窺堂奧  
愛之不可入抵觸發狂譟借使苟有成不知竟何要孤名  
非所求弊俗詎足傲况乃非所及窮海未爲浩不知何時  
休定訖死與耄因疑今世人恐有我同操微之才超高竿  
幢出標蠹爲學尚淹蘊富囊不肖暴文章內朱豹外襲一

以皂大論尤堅強推舟出行弄珉硤不施功徑欲制瑤琨  
幸此不我陋教誨日陳告昨因語及詩請我使自道屢謝  
不得命迫窄遂顛倒被堅誘羸兵伏銳待穿盜取勝雖必  
然窘窮亦堪悼勉爲瓦礫投幸有金珠一作玉報

寄滿居中衡父

前會去莫追後見來無期別嘆後見難悔恨前會稀惟吾

衡父兄

一作友

金純玉光輝裁磨殺圭角不與瓦礫齊大匠

陶百空不間履下泥一衡舉千鈞何棄毫與釐余獨胡爲

人乃不忍使遺有如橫道芻萬羸踏不疑子何嗜好殊獨

俯掇

一作拾

以歸整束使不茨欲令雜蘭芝蘭芝有天香芻

賤雜則非然其厠置間適與薰染資文章每借觀罅隙窺

晴曦議論使坐聽穴贖聞英池春園或承招遊騎亦許隨

廣陵詩鈔

九

劇雲愛風枝藝火圍夜碁縱談心

一作襟

開張倒笑冠欹披

匹馬載以來東首頸脰疲夜夢不厭勞百里夕一馳想見

目與肩百障千藩籬不虞自投置遂若鳥遭穉何時獲因

緣連篷促馬蹄誓當盡晨昏不復起退辭

謝李常伯

人從東南來忽得連紙詩行義不赫曄名聲無萎蕤雖常

誤見辱旋則拜席歸別久謂已忘不圖猶記之長封大書

字顧我已忸怩開滕把之讀推與果失宜剝虎蒙羊猪借

使出類奇見豺先自奔遇豢還羣隨是故古之人爲已賤

若斯有聞未之行季路恐不嬉名浮過所實軻也耻以非

今而承所賜迺此亦可噫賢者寧過哉當是我有欺忍愧

讀終篇喜驚改肝脾噫噤誦教言舉舉仁義辭初令探本

根喻以海與池乾坤老六經遺編爛孔姬尚恐惑異說教  
之無遷移強聞終日乾仁不三月違卒以二者終要我勉  
不疑百誦百再拜下淚如掛縻交朋百愚諛此語聞之誰  
憶初從粹翁聒耳忽得提震驚破百昏寐覺悼前迷今而  
去之久茅塞心叢茨驟承夫子言快斧加芟蕪舊穢忽剗  
銷新涂坦平夷念當不捨去戴服同冠衣猶恐免袒間復  
作須臾離且將鑿之心不止涅之皮二者苟一能終始庶  
不遺平生苦嗜詩此篇况驟馳喁晤夜不休齧嚼午忘饑  
仰嗟天骨雄俯嘆人莫爲星明有常高日圓無食虧讀久  
口益饑舌軟涎流垂想當措意初嚼雲吐虹蜺脣牙哆華  
鮮肺腸漏光輝故其紙上言飄有霄漢姿何可對酬謝約  
海量珠璣

廣陵詩鈔

十

對月憶滿子權

長風掠海來吹月散百鍊

一作青天豁四壁雲靄不容線

窗軒颯先秋露氣入簾扇寬

一作庭生夜涼蚊口不得擅

人靜暮客去坐偃適自便清牽睡思醒明發醉膽健披風  
睨白月瞪視不爲眩未甘景獨勝思出大句銜狂搜得無  
奇猛吐復自吮篇成若奴婢氣骨終凡賤置棄不復收嘆  
感退自旋起探君寄詩兀坐諷百遍駭哉劇雄勁百札洞  
一箭間逢騁新奇春雲弄晴霞古意終重厚九鼎掛一鉉  
吾嘗笑夫人語富則自願及嬰愛君念始自信倦倦閨女  
當求嬌慕士在護彥鄙哉尋常者何用目識徧得逢誠幸  
多旣別遂堪嗙垂離時况久會合卜未先思之不可見飛  
魂不身戀秋城崔嵬高圍我屹若圈安得擘風翅飛出不

自殿乃爲相見謀反覆竟未善惟當遠相要共借月爲面  
相離苟同天舉目亦兩見又况相去間纔止百里縣不知  
竟可否寄詩代請勸

八檜圖

客有要我八檜吟手攜八檜圖來懸掛張滿壁揚可駭  
顧左右同嗟嘆旁摹石刻署名狀各有憑附相負緣或高  
相扶互倚礙或斷欲壓猶支顛強枝拗回信有力高幹復  
俯蛟蚪拳萼根及株速條葉例不拔直皆旁偏雷疲風休  
雲雨去蛇龍鬪灰猶鈎纏安分爪角一作牙與尾鬣徒見上  
下相蜿蜒不知生時竟何謂畧不叅類常木然宜乎今古  
惑昧者搖擺舌吻歸之仙一尤盤拳老高大傳云一作聃  
老由飛蹶當時駕鹿蹋以上跡有町疇遺相連多應竭殘

廣陵詩鈔

十一

鳥喙啄不爾誕者強鑿鑄聃能惑人已自幸豈此上去能  
欺天借如聃功可升躍鹿亦何幸飛相聯于中一本特甚  
異膚革逆理紐左旋傳云聃手所自樹我知此語定鑿穿  
苟令實爲聃老植推以天意猶可言當年曷不紐以右若  
曰世爲左道牽如何衆輒不省究反重神怪令聃專乾坤  
中含萬品彙此獨自異誰令旃一作旃窮思竟慮莫可索  
欲世不惑誰能奪仙書虛荒喜誕妄推說事理尤綿延世  
人一讀卽化變日望飛奮相迷癩豈非此木久樹此浸漬  
亦爲異說遷故其形植與生灰時以異怪招驚憐先時世  
不早斤斧放其老大訛誇傳當年同生好材幹半以直伐  
成燒燃憑妖附誕相樹立率自灰活終完全葉枝凋疎不  
有陰材直弗柱曲莫較不知留存護養者竟以何理借不

捐我有尺鐵大剛利久已鑄斧磨山巔卒無柯柄尚棄置  
懶乞月桂求嬋娟

秋夜

秋夕不自曉百蟲齊一鳴時節適使然鼓脅亦有聲爭喧  
鼠公益悉宰蛇陰行獨有東家雞苦心爲昏明

答束孝先

純全出鎔爐烜赫掩熾火錦成洗春江衆目眩莫奈魚鹽  
物誠微誤用幸不澆君家兄弟賢我見始驚夥文章露光  
芒藏蘊包叢脞關門當自足何暇更待我固知仁人心姑  
欲恤窮餓苟論才不才自合棄如唾憶昨西來初戚惕待  
客坐交持駕說口張闔不可鑠間發辨經義鐵舌莫摩挫  
高文忽下投白日駭天墮眩怖欲前掩布帛不可褻初觀

廣陵詩鈔

十二

固宜驚獨獲亦堪賀又如遇貴人繡錦飾婀娜回眸忽自  
鑑惡面復窶裸屈降心已甘嘆憤志亦頗雄高豈復爭愛  
恤亦加荷大詩又一作來及推與太浮過自無賢可稱以  
是惡甚播譬如亭厄人豆食止則可苟強擔石負蹉跌適  
足禍何以論報心結草效鬼一作類

寄洪與權

與權江南來適自滿門會初無合我志纔以客面待時時  
相鈎探稍稍互酬對根源豁波張扁鑄失分解君然領還  
嗟我恐敬若戴相逢時旣多相待兩交快予初請子交子  
曰何可外中又謝不德卒曰吾而愛旣而第以年子合我  
兄拜揚雖士云多往往事冠帶中間滿夫子囑出百萬最  
更以子從之而吾米則裨朋從偶許攀會合日與在春晨

巧誇招月夕因論話書狂逸飛蛇碁毒甚含薑相謀務奇  
勝聚口笑拙貪驩不知久歲律忽移再余饑奔先西餓  
色面留菜子待去亦恨書以問我奈別來君何如思子我  
心痲朋分無舊歡世險有新態高言足瑕玼俗學牽細碎  
貧知身責重病覺學力怠壯心已無多况去日有退預期  
後相見頑陋徒老大好勤寄余書思子百憂萃

寄蒲子權

子權今謂何久不治簡書子素賜我多豈以此遂疎予亦  
如常時病與貧相俱冉冉草沒階容脚不踏廬貴者事名  
位崖岸誇懸殊賢者縱宥來顧我欲取無惟餘齷齪徒吾  
亦羞與居潭潭一室空編帙環三隅暴陽不憂償偷飽幸  
未誅且可延朝昏憂思老頑愚獨有思子懷涕下時啞鳴

冬陰寄蒲子權

廣陵詩鈔

十三

玄雲載雨惜不下北風吹急冰相黏周遮覆蓋不通透銅  
結已厚難披燂微陽未復老陰壯記去暖律時猶淹青天  
何可一日失漸恐此去無由瞻日馭自懼不得脫略出急  
入地下潛憑陰託寒恣凌爍風伯得意一作志欣沾沾但幸  
天公不省悟誰顧下地人嗟讒隔絕霜露曠不下帝有潤  
澤何由霑非惟勾芽凍夭折亦恐萬類由茲殲九龍銜火  
互相暖稱有日職借不甘羣兒銳奮不量度欲仰吐氣吁  
以炎惟有壯士抱劍卧思得美酒聊自酌

弱弱誰氏子

弱弱誰氏子鮮鮮一何姝來奔富人家妻與富人俱一作居

嚴一作莊問夫子我豈彼室如夫子笑遣之彼寧與汝都

升堂一作褰裳一作由昨階德色溢以舒親賓不敢笑退語相噦吁

高堂聚羣婢唯諾相咨唯家事忽不圖顧指取自如朝令

折桂薪暮遣藩籬除風雨半夜來百疊生不虞屋壓盜隨

至夫死別嫁夫東鄰有淑子性恬一作不事鈔朱端居待人

求正色不願諛清鏡見一作白髮行媒不顧閭不知愛妻

人取捨何異歟

### 答黃藪富道

角角適時足力走猶或遲從而逮人不若坐視之而予

始用此已無先人思間自念斯世固亦未易為以其得而

慚曷若退自宜老身可孔顏餓死猶夷齊予心最樂此尤

喜用自持豈將六尺軀賤易五穀皮但無百畝田得一作

抱剛氣歸年來事窮感露暴無自依姊寡不能嫁一作無

### 廣陵詩鈔

十四

作不得家兒孤牽我啼平生事文字無路活寒饑勉從進士科

束若縛襁兒時時忽自笑一作笑往窮加悲一作還有

如高飛鳥中路饑自低銳知從食來不一作豈一作意身投糲神

龍拏白日挾雨萬里飛使其口有銜安得無馴隨雖然平

生志固未忍散遣閒時自開縱哦吟助噓噦纔將骨已私

豈敢偷人知黃君道德者術業何頑頑手提九黃鐘苟取

折籥吹縣知失氣類誤以倡和期不知里社歌不可郊廟

施况余衰病餘有氣亦已早加之困俗學羝角方牽羸陳

詩盡自道幸子憐無疵一作

### 春風

春風東來暖如噓過拂我面撩我裾不知我心老有異亦

欲調我兒女如庭前花枝笑自愛風裏草力更相扶旁林

曲樹足飛鳥不聞燕雀鴟鴞鳥求雌要雄各有意豈但鬪  
競爭春呼春巢成多夏卵衆明年計此更有餘非唯喧呼  
亂人耳漸恐巢穴妨人居收殘射中豈無道我亦力可彎  
長弧林深枝曲矢不入况弓待借家所無行吁坐眊不可  
奈安得靜默投身俱

哭詩六章

灰者徒已灰思之恨無涯生者非素心還作灰者嗟今古  
悲略同斯道竟奈何哀絃直易絕哭詞曲難歌  
朝哭聲吁吁暮哭聲轉無聲無血隨盡安得目不枯目枯  
不足嘆無目心自安目存多所見不若無目完  
切切切切切淚盡琴絃絕憤氣吐不出內作心肝熱朝漿  
渴不勝莫潦濁不清何以慰我懷安得滄海水

廣陵詩鈔

十五

哭莫傷滄海淚落長海流流深風濤多駕蕩覆我舟不若  
灑春草荆榛蕪蔓莖怨氣觸草灰猶得香蘭生  
朝歌憂思多暮歌無奈何偶嘆氣亦絕未慟血先沱淚落  
入口少不如出眼多安得堂堂軀不爲瘠且瘡  
目雖淚所出由來心乃源白日睽我面意欲乾沈瀾而不  
照我心我淚何由乾况在重雲遮使我何自安

張巡

祿兒射火燒九天鬼手不撲神聽旃羣庸仰口不官唾反  
出長喙噓之燃睢陽城窮縮灰隘危繫一髮懸九淵巡瞋  
睨遠兩背拆怒嚼齒碎鬚張肩恨身不毛劒無翼不能飛  
去殘賊噬翁軀腥刀子磔俎日嚼肉血猶經年霽雲東攘  
兩臂去西來才有九指還胷中憤氣吐不散去隨箭入浮

屠博忠窮智索莫自劫更鬻愛妾膏饑延我疑沒日賊不  
食恐其肉醜死不痊又疑身骨不化土定作金鐵埋重泉  
何時山移陵谷變發出鼓鑄戈或鋌吾如得之願有用不  
誅已然誅未然

贈李定資跋

涉川固有道造舟不如梁曾聞水覆舟不聞死乘扛奈何  
揭厲子先先勇褰裳豈盡水害人固亦謀非臧

鳳雖謂靈畜無竹或一作終死饑竹今無方無鳳來亦云一作

何時使之羣一作隨鳴鳶饑飽爲止飛非惟失所靈亦與彈

射期

坦坦誰之田施施謝且弋烏來玩其機鵲至喜其食長鴻  
飛冥冥志與萬里極豈無啄飲心寧饑不人得

廣陵詩鈔

十六

湍激日蹙蹙風稜勢漫漫奈何舟上人試死才一間苟不  
以利涉安坐思誠艱客雖懼謀梁而木嗟在山

古廟

古廟隆隆敞庭扉風雨剝壁頽柱壞我來安知神所依穹  
堂窳窳風幡旂神君龐軀突鬚眉視我睨睨坐倨箕惕磔  
觀者駭不怡羣鬼後先張福威直東之廟步逶迤日益所  
見怪可噤馬牛羊犬雜豕雞或戴以首芻四支聞有人面  
身亦非老祝趨前爲衆詞口吻噤嚅言嗚咿稱別狀頽頽  
東西唱號名字分何誰空虛冥漠非所期豈亦以此爲人  
尸視其膚革已彪狸寧有中反恬肝脾又有械噐身挈持  
傳言厲疫此乃資古之日行歷虛危猶恐盛陰鬼所隨磔  
灘于門驅使馳今安取此廟以祠不念延虐殆疋羸農凶

年多苦餓饑苟幸得飽不擇所來則拜叩盡敬祇幸天之  
澤偷自歸民德且恐報之時餽有豐鮮牲魚肥欲莫以獻  
更濯卮進謝于語拜百低工鼓于庭巫舞衣祝傳神醉下  
福禧農謝神去祝徹之庭前剪割棄餘遺鵲烏下雙翅不  
飛回顧神面如故時意者不爲祭謝移嗚呼神固信一作非  
吾知

雜詩

方春不種蘭終歲無自佩良田弗加芟徒穉亦無歲空令  
雨露恩日夕被蒿艾安坐饑怨天此理果誰在  
一日不爲田百草已有根况復閑三時其穢何待論豈不  
有錢鋤徒羞傭借勤歲晚憂不耕何獨議耨耘

毵毵晚春樹上下聚百蟲不有口似蠶則生尾如蜂設不

廣陵詩鈔

十七

二者然亦徒生無庸清陰不可居晚歲還秋風

答問詩十二篇寄呈蒲子權

有序

今旣愛盧仝蕭宅二三子之詩而猶恨其發之輕也然  
忘其効而更重之則得矣逮子權之起予予實慕之輒  
爲十二篇其題亦不易子權所謂東野諸子答問者予  
獨廣之爾其水車之篇獨異于子權然特其文則然吾  
知子權與吾與它知詩者謂爲異也

罇問表

金堅雖不磨木曲亦已揉幸豪主人用反要主隨走適從  
慵耕兒雖功不見取良田常蠲收衙塞不耕或謂

未答罇三首

我用常在金任金適由木荷得金爲用何惜木微曲幸得

主人隨不恤汗行犢必求隨主人我用誠不足

我用于主人良田無虛種主人不我以我適爲無用不知  
主人饑卒歲安自奉由來我求人孰與求我而所  
我必爲人用不必用于人若也責不耕君其問諸田

未問鑄

一畦失之荒爾力亦可耨天下方漫蕪爾功亦何有

鑄答未

天下方漫蕪顧我適有庸使其已除脩我將何以功我豈  
大無効自是用我慵

未問斧

子斧誰爾爲黑白太分別朝伐一樗歎暮伐千樗藥爾終  
不自謀幾日不缺折

斧答未

廣陵詩鈔

十八

大樗吾猶伐小樗何畏藥吾缺猶俟磨爾折將奈何  
水車問龍

來何必召雲去何必飛天我名不爲龍何能雨爾田

龍答水車

神龍謝子車子能未足多上潤雖已然下竭將奈何

水車謝龍

水車謝神龍下竭固無奈旱則我爲用爾龍尚何謂

龍謝水車

神龍謝水車吾語爾來前爾雖用于水亦用爾天在物  
固不同于用豈殊然水下高田乾爾能低假人不爾  
用爾售田責否吾雖身爲龍動亦天所主天猶不有命我

安事爲雨

中夜

晝日苦卒卒忽焉不加思長夜漫不眠起復何所爲所爲  
浩多愧不與初心期虛云聖賢學實從庸俗歸雖耻猶奈  
何長歌涕垂頤

書懷寄黃任道滿子權

西風吹雲空晴日露高曬驚馬無速騁歸客思遠屆長林  
剝霜紅遠水漾寒派露蟲悲白日一作咽風菊老尤介昔予  
來方春焰焰樹生態今歸亦未幾馬踏落葉壞時物固有  
然盛衰信難概吁嗟爲生勞黽勉計無奈伊余有遐致久  
此困俗械嘗思擺絕去自放出世外高懷樂天寬遠目斤  
人礙有田足晨昏有圃具菹菜父母不待養妻子固易賴

廣陵詩鈔

十九

世孰得丘山亦孰失蒂芥人自能輕重吾將守所愛六經  
老誠明萬古孰成敗得時爲醢鹽滋味和鼎鼐失猶有萬  
世令名自沽賣自視久已明決不俟謀蔡寄詩侑子觴期  
子和而再

令旣有高郵之行而束孝先兄弟索余詩云

擾擾利學者久不可與謀讀書乃何爲老不知軻丘弗恤  
義所在務期高爵收嘗聞失則嗟不聞得之羞知誰洪其  
源使世乘其流于今已汗漫更久將溯游嘗聞古人言饗  
養爲共兇謂惡豈必多偷飽德弗脩不知自思者捨此何  
所由故予早知懼誓將異人求寧爲寒餓嗟不同富貴詎  
此行况有獲師德高前修因嘗請子行外且逗留于吾  
乃何有同病不獨瘳雖愛謂子然尚疑子終不惜子有高

材竿幢揭華旒苟能自擺去不爲世學囚行將見遠到強  
弩射弱菽何必請予詩自合治子聊

酬東丈貺詩兼叙所懷

白日立中路犬去不形相夜以盜自來何敢怨犬傷主人  
忽如念謝怒犬無良盜子諛伏前有言願加詳見賜固已  
多怒犬誠未減

卜居

吾求一屋速兩月貧不謀貴何以圖榻來自放就窮巷幸  
得之喜何敢吁頽簷斷柱不相締瓦墮散地梁架虛門無  
藩闌戶不閉時時犬斃入自居主人憐我莫自致爲我補  
葺加堅塗翻翻匠氏乃誰子頡頏作氣厲叫呼羣庸洵洵  
助聲勢脾脫凌我要我酤歸來嘆息無自得兩日纔致酒

廣陵詩鈔

二十

一壺徵多償少意不愜棄我忽去如逃逋重來聞寂不可  
問依舊四壁編空蘆嗟予雖貧日猶爨可不善爲盜釜謨  
外戶不閉古則爾今也盜賊通街衢乞錢買籬作藩固更  
學闢鍵防朝晡鄰翁問我乃何者得無亦以自名儒王朝  
潭潭聚冠蓋幾人不載卿相車子何布被不蓋肉浪自名  
士實則奴假爲無能等編戶猶可自擇安閭閻胡爲慘戚  
卒困此去矣何屋不可徂此居卑洼不待說四高中下流  
無渠夏霖連延久積注往往竈下秋生魚始來圖此不自  
擇終見坐與蚯蚓俱何泥梁榱日蛀腐一仆非爾力可扶  
苟求暫安急且夕反以身就殞壓虞迺知窮則失自愛成  
得正命有幾且翁乎爾言誠得矣我亦以爲非真愚

送李公安赴舉

行子冠上塵梁宋道傷土塵逐冠弊拍人來還復去馬蹄  
日月長踏盡西北路近日何紛紛姿狀靡靡舉傳言天子  
詔士得四方赴來如鵲翅翻去若蠅頭聚市兒屈指計過  
百日未暮昔周方盛時得士纔十數唐虞此爲盛中復容  
女婦昔何稱才難今也寧異趣但恐所取異今古殊尺度  
夫君乃高才久有及物慮今又奮絕去挺拔欲自樹余窮  
非所知久有山林素但無百畝粟乃就羣才賦仕道得亦  
嗟困窮失爲懼二者各有命子亦何所與

離高郵答謝朱元弼兼簡崔伯易

昔來何悠悠今去亦泛泛豈自果進退姑且便飲啗三代  
去今遼士食久已濫徒歎不爲義可無苟石擔平生墮百  
爲且就役鈐槩束身入世程開口就人歎怒喜有失得眉  
睫煩窺瞰野鳥或在籠山猿有終檻能安此爲命雖失亦  
何何所憾予嘗勇自明磨古得前鑑抱關賢所容較獵聖  
或暫庶未負初學尚爲神所監予行人之嗟我笑不爲領  
子獨辱所厚以詩繫歸纜命和始自書狂言庶非儻

山陽思歸書寄女兒

淮風晴舒舒楚水日夜流風能駕吾帆水可載我舟余歸  
知幾時子望懸百憂念我兄弟寡商參各殊州十年不一  
逢會合何所由幸逢子來歸與我相慰投甥兒入吾牽甥  
女出我留子吾笑其間貧不知可愁心如熙春陽樂若醉  
九酬憶我別子日將行更逗留泣恐傷子心淚出仰目收  
別日纔幾時別思日九秋心隨西北風望東南樓主人  
仁日賢憐我羈旅游晨粳玉炊香暮酒金注甌盤蔬羅春

青豆脯兼夕鱸爲食豈不美義咽不下喚要當歸子同牛  
菽飽亦優始予志所學義當望軻丘搗糲與世評衆口忽  
起咻嘗觀世金朱此道久已偷胡爲不奮去附世如贅疣  
而子亦待人特以貧不謀參差兩如此偃蹇勢略倖要當  
共引去逸出世網杳遐追避世徒子與侍巾裘吾將亦要  
婦力以石臼求買田結歸廬種樹屋四周子居課桑蠶我  
出鞭耕牛教妻績以筐使兒餉來疇坐笑忘歲時聚首成  
白頭歸乎當何時詩以侑子謳

大舟

大舟無風帆不舉小舟榜入青冥去舟中漁子呼且歌夜  
半鬪魚誰得多

望花有感

廣陵詩鈔

二十二

春來幾時余不知但怪日日柳稍好我嗟無地自種花常  
恐東風只生草誰家有園不可入時時縱足信自到寒梅  
最香落已闌桃杏雖遲亦顛倒高枝飛鳥夜踏空低樹狂  
兒日摧拗惟餘零落滿地紅主人更聽奴頻掃歸來四顧  
慷慨歌要且傾酒澆顏酡春歸欲挽誰有力河濁雖泣庸  
奈何

餓者行

雨雪不止泥路迂馬倒伏地人下扶居者不出行者止  
返午市不合人空衢道中獨行乃誰子餓者負席緣門呼  
高門食飲豈無棄願從犬馬求其餘耳聞門開身就拜拜  
伏不起呵羣奴喚乾無聲哭無淚引杖去此他何如路旁  
少年無所語歸視紙上還長吁

出無王事牽入不治居金蒿藜入墻屋塵垢變几架糟糠  
苟無憂智力取自暇逢詩即廢日得客輒忘夜積懶遂成  
性習勤反如詐幾不類怠傲愧耻將何謝

身非爵與官車馬久不謀家無田倉儲雀鼠非我仇朝出  
從人居詩書講前修暮從兒子嬉歡笑何所憂閑將筋力  
疲懶使志慮收斗稱尚煩送誰謂能無求

謝客二首

擾擾車馬客各以勢利奔自問問巷人何為亦紛紛與客  
成往還勉就俗所敦禮不經聖人頗厭後世煩欲問無所  
得歸視紙上文以非孔子心尚拜陽貨豚乃知偏仄間心  
跡久已安去矣可奈何更問來者門

廣陵詩鈔

二十三

蹉蹉出何為奄奄歸就卧不知身所謀徒與俗相和本無  
聲利求一作營久厭車馬過詩書雖滿前奔走不暇坐收身  
衣食餘抱病歲月破得不勝所忘進亦何可課前躅一作奔  
難躋下愚旋易墮得勢有然爾命矣何可奈一作非

春游

春風誰相呼鳥語到庭戶罷書起何游一作往繫馬城西樹

寧須客衆隨聊與春相遇高林美風竹疎影有清覆可以

便行坐解脫快中屨日長天地寬飄戾飛雲度風枝綠未

柔一作箭日萼紅先露芳辰信可尚嘉興惜無寓舊闌黃公

廬一作屨枉壯士顧予雖輕數子自適偶同趣起解身上

衣就貰青旗酷獨酌不待勸興至還自注對物無所語似

若喧譁惡雖無歌舞歡幸可篇章乾坤本閑暇人物自

紛遽勞生曷不樂歲月失已屢酒闌起四望落日不可駐  
餓馬自知家何須問歸路

送曹杜赴試禮部

霜風琅琅鳴鼓鞀鳥寒夜噪樹折枝居者不出行者歸  
馬解銜車棄脂長河夜水船就維百買晏起朝閉扉爲問  
當今行者誰出門千里到何時母送拊背艾嘆噓兒惜欲  
去哭挽衣上馬反顧紛紛淚非所願欲去何爲家雖有田  
豐歲稀所得償公不及私况望簞屨事庭闈結髮從學今  
十暮始自有志狗孔姬豈願從世成依違高堂華髮紆素  
絲暮年待子爲光輝望我日久莫報之苟得一笑辱弗辭  
况望舊作三釜家無飢吾于二子久所知怪其才高所就  
卑今乃語此誠可悲近聞天子變典彘欲撥舊冗收新奇  
子行出仕適其期驛驢得路無銜羈罷酒行矣無自遲去  
取天寵酬親慈

野步

久嬰末俗喧脫就綠野靜方求巾屨便那暇賓客命林紅  
落春衰草舊本作桑綠爭夏盛時從老農語久佇行子聽謂言  
勞苦後各以閒暇慶時逢瓶盎沾亦有肴核稱喧嘲忽無  
次歌唱仍相詠酒闌紛起坐白髮忽一作兩凭兒乘旁樹  
嬉牛卧前籬暝予方困俗累愛此近天性何當從之歸買  
舍與相並

古風

古風何寥疎世方盛夸慕利塗劇先趨直軌迷曲駐渾渾  
九河翻仡仡百川注分爭或多支歟枕纔一趣睢盱承至

歡聲疊謝絕怒財得升斗多勉售形骸雇不知萬鐘得孰  
與一日裕况承丘山羞願易頃刻過誰能脫近役自放就  
遐驚航湖足菱魚拔野厭笔茹行招千古游坐與來世語  
延風敞虛襟揖月坐嘉樹此意固有然童兒未堪頌

旅次寄寶覺訥師

小雨破宿暑曉風忽焉道山溪樹翳陰蜩蝻應已秋清坐  
想高絕語言誰應酬豈不念一往抱病終自留羈旅少往  
還有來或非儔命僕一謝之縱我冠屨休移牀上高堂解  
書散牀頭于此有嘉興念世誰與謀獨思山林人茲意可  
網繆何當買田盧共遂丘壑游

寄呂惠卿吉甫兼簡林伯通

跋跋門外馬客至知謂一作誰昔面尚未逢那論心相知

廣陵詩鈔

二十五

揖客拜上堂

一作拜客揖上堂

謝客辱弗遺寒暑相問酬唯諾坐

無爲靜默近尤怨多言足瑕疵勉從客所論還顧所學非  
念此廢無益對書坐長嘻一作爲此嘆無益廢書坐長嘻獨思同懷子念

遠莫見之豈無寄我書歲晚得苦遲聞頗困王事豈無閒

暇時况有同僚賢相期在詩書人生天地間常苦食所糜

去就兩莫謀會合寧有期余病不自樂舊學益以隳近者

非所同遠者勞夢思江水日夕東道塗宛而夷寄書當在

勤無謂還往稀

答逢原

呂惠卿

晨出趨長司跪坐與之言偶然脫齟齬相送顏色溫歸  
舍未休鞍簿書隨淄門相仍賓客過歛午僅朝餐平生  
性懶惰應接非吾真况乃重戕賊良氣能幾存就夜甫

得息閱我几上文開卷未及讀睡思已昏昏自知小人  
歸昭昭復何云每于清夜夢多見夫子魂側耳聽高議  
如飲黃金樽覺來不得往欲飛無羽翰昨日得子詩我  
心子先論怪我書苦違友道宜所敦豈不且夕思實苦  
案牘繁豈無同官賢未免走與奔相見鞅掌間有言無  
暇陳嗟嗟茲世士無食同所患念我力難任聞子謀更  
艱久知爲之天安能怨寡貧吾聞君子仕行義而已焉  
亦將達吾義肯遂爲利牽東海有滄溟西極有崑崙古  
來到者誰不過數子尊子已具車航吾亦爲檝輪欲一  
從子游不知何時然

寄崔伯易

擾擾閭巷士過我何所爲屢來徒我煩不來我弗思少年

廣陵詩鈔

二十六

樂知聞喜與客子隨晚歲事恬默與世益參差騎馬出尋  
人中路輒自歸歸來亦何樂書史自相期已與往者親可  
無茲世違欲語無所得起視北雁飛念子遠千里昔別今  
已暮寄聲雖云多所得竟亦稀近者忽報書期我往就之  
不知予苦窮繫此不可離尚迫朝暮憂寧有道路資人生  
少所同老去纔幾時予勢旣若此子復不官來但恐百年  
間齟齬終莫齊詩以寄子招亦以寫我悲

寄孫莘老

默默不自得勞勞非所任不與君子逢誰復明此心偶客  
來自南口有千里音知無木索勤頗復山水吟對之爲一  
笑欣如獲千金宣城風物佳古語昔已忱太平又其右道  
塗邈幽深溪流渺彎環山勢屹抱臨况復寂寞人黃綬事

陸沈公田秫旣收客席酒屢再悔予昔南浮不往一就尋  
波濤忘日月疾病廢古今歸來就羈銜外慮日已侵適時  
愧非才對客輒自瘖譬如火炙膚暫忍久莫禁唯思百畝  
田爲可足釜鬻投身脫世篋斂足蹈古箴寄言所同懷相  
期在中林

夏日平居奉寄崔伯易兼簡朱元弼

天風變春和晝日差夏永門關閉無事燕雀去益靜紛翻  
詩書帙棄散懶收整時來就枕卧復可取窺省心恬逐物  
閑迹濶與世屏鮮鮮南山暖秀色上脩嶺苟嫌安坐慵還  
可遠游騁自緣智能薄反得閑暇幸交朋久相遠疎懶欲  
誰警

懶懶庭下樹陰影日已敷癰癰閉門人簟席自卷舒高枝

廣陵詩鈔

二十七

就懸冠曲枝挂裳裾

一作襦

還來從此息卧視詩與書栢栢

門外客

從駕驪駒不知來何聞

一作爲

乃官顧我問呼兒

往應門謂言出在途非我敢厭客非客與我疎以予拙語  
言無以得客娛一不當客意恐與世患俱不如兩相忘何  
能効紛如

送朱明之昌叔赴尉山陽

朱侯拜書天上回去以身試百里障青衫飄若風外荷借  
馬載出塵土上準眉嶄嶄見天秀如立繫馬萬里望身軀  
雖小胷腹寬沛如絕海橫秋漲久宜脫絕事高致豈願卑  
冗勞俗狀高堂華髮親老矣四海無家寄几杖世外言高  
信獨奇人前腰折嗟已強尉官雖小俸雖薄猶有餘錢買  
甘養想當家帷奉顏面綵衣躬率婦子餉說說兒女戲蒲

前累累諸兄坐相向人間此樂不可幸一笑自足百辱當  
時清固應稀盜賊俗弊寧不煩咎掠好偷閑暇事簡編思  
我寧無文字况

學子

瑣瑣來學子從我問古風謂一作吾言古之人學不求世功  
以其明智餘施與天下同能知學爲身自不恤窮通童子  
顧我笑是言得無蒙斯道使可遵曾不聞父翁謂言童子  
歸盍自謀厥躬吾不能爾言一作吾能亦不必爾從

寄滿子權

昔心何悠悠今學益漫漫恭如浮江河浩不際涯岸生雖  
樂文字勤不償几案重綸空堆塵折簡久枯汗徒如陳市  
肆表列環四畔已無探討勤胡可賢否按零丁晚觀玄泥

廣陵詩鈔

二十八

滅舊習彖得指來歲期失忘去目算嘗聞勤惰間已是愚  
知判蒙羞欲何顏避耻愧無翰不能緇已忘何力禁人叛  
文章觸世嫌議語限客竄時牽好惡甲俗撓是非亂早衰  
奪舊剛多病襲新懦心經衣食難事廢米鹽半何謀脫身  
去割跡與俗斷耕荒食新收鑿室復舊貫念生如冬水至  
成僅春泮其間能幾時何恃苦自緩翩翩淮南英顯顯士  
林觀方子未爲遊辱子昔同閑篇章覲新華論說聽橫捍  
包奇晚自走去實王府玩近書何相撩頗以名見謾不知  
老者拙棄此久已斷方勇自樹解轡縱新驛行期拾春  
青采綬縮歸腕乖離思舊歡遷徙就新絆無琴雖自歌有  
酒欲誰伴閑暇當寄詩持此資賀換

暑旱苦熱

清風無力屠得熟落日着翅飛上山人固已懼江海竭天  
豈不惜河漢乾崑崙之高有積雪蓬萊之遠常遺寒不能  
手提天下往何忍身去游其間

寄王正叔

微生不過人氣力兩眇壓力學失自謀徑古趨今左病世  
相陷賊樹性期剛果豈不中是時然亦未嘗過奈何衆好  
殊未語咻已夥佞獨何之去去銳亦挫忠言不售耳直  
面屢得唾怒目瞋以環謗口焰而火出門先自羞有衣恍  
疑裸過市不成步侶距侷跛周旋不出扉迷若蟻循磨  
人惡固爲甚自厭近亦頗媚世定有術欲學從誰可必也  
泥自售恐由此始禍賢子遠相問幸有以教我得報速是  
宜翹企不容坐

廣陵詩鈔

二十九

雜詩効孫莘老

魚鰕無所能動輒困人得蛟鯨能則垂覆舟取人食龜鼈  
雖謂殊剝剝同一劇籠不入網羅亦不爲人識  
犬羊養於人壯則人食之猛虎嗜人肉終昧獵者機豺狼  
與狗同爲害豈必威封狐能爲人還作行子妻

雜詩呈逢原

孫覺

鴻鴈最知時未逃羅與網不能忘稻粱千里安得往鳴  
蜩腹空虛見啄因其響丹鳳穴九霄虞人常夢想

呼雞

雞呼雞來前犬吠犬至止夫豈必可召役以食乃爾今吾  
曷爲悲人而雞犬爲自計無自存西山謝夷齊

姚堅老見約偶成

初正布新和餘臘爭近候升騰陽力微恇怯老陰鬪江雲

蕩空碧

一作疎朝

雨沐清晝林稍釋冬枯土蘂壯春蕩

萋蕤風日舒刻畫山野秀關關先春鳥格磔弄晴味無人

與調和終日自嘲詬唯君卜近適過我許來就遷延日屢

蹉嘆惜月復穀人生誠多故世事那可究唯當自推置障

絕俗慮寇休開倘能偷疎懶當自有徒行苟憚勞借馬欲

誰廐清酤如定攜佳客可先購勉之無使遲梅萼已堪餽

初聞思歸鳥憶昨寄崔伯易朱元弼

去年春日花盛開嘗有鳥啼歸去來余詩告爾東海志子

笑屬我南山杯將希遐躡踏高鞅就拔去跡離俗理同時

游者最誰上朱子峭擢凌春材門關午景卧正懶過我呼

號如春雷鄰驚偷窺婦女怪婢駭奔

乘

走兒童哈門開

廣陵詩鈔

三十

謁坐聽論列笑口侈侈傾胃懷寒菹半菽要同飢齏醬叫

訖喧鄰隈僧從南浮橐異角尉解西去亭遺臺心爭誇漫

詰蜿蜒目樂虛豁留崔嵬柳稍黦黦全晴絮杏花爍爍翻

遺埃春湖平渟照空碧淮帆曉上攬天旄西歸頗兀窮餓

久南泛未免可乞哀竭來隨人事卑折忽自顧影漸低摧

平時客坐不敢語苟以唯諾償嫌猜胃中約結浩千萬到

口不吐如橫枚比來頗自撥俗礙日傍竹樹良徘徊昏昏

萬事置不省知已疎懶心難裁一聞春風動啼鳥猛若重

睡忽喚回咨嗟歲月急若失嘆息無地安蒿萊比于見人

日加懶行恐合俗老益乖不知飄浮寄茲世竟亦何計收

形骸春林沾沾風日好飛止自便宜爾諧何爲猶道歸不

得世間萬事真悠哉

思京口戲周器之

江南別日醉方醺貪愛青天帶水痕忘却碧山歸路直誤  
投浮世俗塵昏終期散髮江邊釣當有漁舟日繫門但恨  
故人猶喜仕他時胷腹未堪論

寄束伯仁

身逐南舟去不廻匡廬留滯得裴回峰頭夜宿平看斗巖  
下朝陰俯聽雷西顧波濤浮日月東歸天地入塵埃何時  
得遂幽棲志常把韋編靜處開

對花

憂愁卒卒人無樂花草紛紛物又春安得無憂與無慮對  
花還作笑歌人

春遊

廣陵詩鈔

三十一

春城兒女縱春遊醉倚層臺笑上樓滿眼落花多少意若  
何無箇解春愁

春晚雨後

東風柔弱事春權劇雨無端轉愴然不惜好花都委地却  
令遠草直平天龍蛇久蟄應思奮蛙蝸乘時已自先綠柳  
由來却堪笑葉眉愁劇遂長眠

紙鸞

誰作輕鸞壯遠觀似嫌飛未多端纜乘一線憑風去便  
有愚兒仰面看未必碧霄因可到偶能終日遂爲安扶搖  
不起滄溟遠笑殺搏鵬似爾難

古鑑

一片靈光合有神不知鎔鑄竟何人春耕破冢衣冠盡鬼

手摩天日月新鑑面祇知西子妓照心難見比干真主人  
羨有收藏意當待清明不受塵

和東熙之雨後

獵獵風吹雨氣腥誰翻碧海踏天傾如何農畝三時望只  
得官蛙一餉鳴何處斷虹殘冷落有時斜照斲分明雷車  
收轍雲藏跡依舊晴空萬里平

幽居感懷寄滿子權

卜得幽居四絕鄰尋常庭巷斷蹄輪門前犬豕卧橫道城  
上牛羊下視人滿眼夕陽開草樹回頭歸路正埃塵思君  
未見東來計何日雙眉對面伸

秋懷寄呈子權先示徽之兼簡孝先熙之

樹哭寒蛸草哭蟲何堪羈客憤時窮卒無可樂羣書外百  
廣陵詩鈔 三十二

不堪言一嘆中雲黯暮天沉白日土塵平地斷清風夫君  
若問秋來况淚滿遺編髮亂鬢

九日寄滿子權

懶將衰病照清流爲有歸心欲白頭幸自好花開便笑不  
甘爲客見成愁長歌欲強秋風醉高處先輸俗子遊我在  
無聊元亮死當年今日共悠悠

次韻子權京口夜宿見寄

寒江漠漠客帆稀獨泊扁舟望翠微已寫綠醒聊自適更  
邀白鳥共忘機水闊海月寒初上樹盡秋城碧自圍嗟我  
相思邈千里不來同此雨忘歸

答孫莘老見寄

高門鞍馬日光榮勢力紛紛起共爭偶以不能聊自便敢

于茲世獨求清生無人愧寧非樂死有天知豈待名客食  
官居同是苟何須稱別異平生

登郡樓

江城朝雨濕晴煙樓上風帆送去船苟得息肩閑歲月時  
來開口笑山川田園啼鳥三春日江海扁舟萬里天何計  
脫身來此老青山白髮兩忘年

感憤

二十男兒面似水出門噓氣五蛇蠶未甘身世成虛老待  
見天心却太平狂去詩渾誇俗句醉餘歌有過人聲燕然  
未勒 在不信吾無萬古名

登瓜洲迎波亭

海面清風萬里寬偶來如已脫塵關自嗟客世無虛日却  
被斜陽占盡山海島不來青嶂靜漁師歸去暮江開從來

廣陵詩鈔

三十三

雲水有期約直待功成是厚顏

憶潤州葛使君

六朝遊觀委蒿蓬想像當時事已空一作清談  
事竟空半夜樓臺  
橫海日萬家簫鼓過江風金山寺近塵埃絕鐵甕城深一作  
高氣象雄欲放船隨明月去應留閑暇待詩翁

何處難忘酒

何處難忘酒窮才世不知出門無直道開口礙當時白髮  
無端速青山不忍歸此時無一盞何以活餘黎

庭草

平時已多病春至更蹉跎惡土種花少東風生草多客愁  
渾寄淚野思不堪歌獨有詩心在時時一自哦

秋日寄滿子權

樓前暮靄暗平林樓上人愁意思淡未必薄雲能作雨從  
來秋日自多陰三年客夢迷歸路一夜西風老壯心欲作  
新聲寄遺恨直絃先斷淚盈琴

江上

羃羃荒城沒遠煙暮雲歸族忽相連春江流水出天外晚  
渡歸舟下日邊杏萼春淡翻淺纈柳花風遠聚晴綿無錢  
買得江頭樹輸與漁人繫釣船

送聲隅黃先生

黃風吹土截天橫瘦馬着鞭驅不行尚說苦心耐直道誰  
知白髮爲蒼生平時恬忠蓋常日公卿足仰成雖有  
英雄無用處却令老去買牛耕

廣陵詩鈔

三十四

寄介甫

天門簾陞鬱巍巍勢利寧無澹泊譏難與跂徒爭有道好  
思吾黨共言歸古人踟躕今何取天下滔滔昔已非終見  
乘槎去滄海好留餘地許相依

寄滿子權

窗前午枕夢忘還門外清風晝掩關天下誰當千古後牀  
頭自笑六經閑能將道繫窮通裏安用身干進退間自愧  
公心猶有蔽清時無日不思山

寄都下二三子失舉

大學齏鹽共苦辛寒窓筆硯日相親梁王臺畔一分袂楊  
子江頭三換春篋裏黃金須買酒鬢邊白髮解欺人窮通  
得喪誰能定况是男兒有此身

次韻滿子權見寄

當世雄圖不可懷，退居蒿艾自沉埋。門無來足荆生道，病不能鋤草上階。自是直方違世易，况將疎懶合人乖。無由與子同樵種，回首平林浪可柴。

病中

十日身無一日寧，病源知向百憂生。寒侵騏驥應方瘦，蠹滿榭栢豈易榮。小閣晝閑書帙亂，畫堂風靜藥羅聲。北山杖杖終歸去，寄語巖猿莫曉驚。

金山寺

萬頃清江浸碧瀾，乾坤都向此中寬。樓臺影落魚龍駭，鐘磬聲來水石寒。日暮海門飛白鳥，潮回瓜步見黃灘。常時外風波惡，祇得高僧靜處看。

登甘露寺閣

廣陵詩鈔

三十五

忽忽勞生歲月催，時偷高迹出浮埃。風沾草樹紅朝動，春入川原綠夜回。欲出壯懷臨八極，可無樽酒到高臺。江山不與人相語，似待忘言野客來。

謝張和仲惠寶雲茶

故人有意真憐我，靈薜封題寄葦門。與療文園消渴病，還招楚客獨醒魂。烹來似帶吳雲脚，摘處應無穀雨痕。果有同嘗竹林下，寒泉猶有惠山存。

太湖

西南無盡望，吞恐落吳郊。海近私憑蓄，天低不敢包。蛟龍宜自宅，螭蛭莫令巢。遠浦纔分點，歸檣略認梢。水乘潮更濶，地過底宜坳。島截煙維斷，風凌浪脊交。大橋橫作畫，別

岸缺成爻吟恐詩無氣圖憂筆費鈔歸輸范蠡得官許李  
鷹拋去憶心應繫歸誇口定說窮何須蹈海來好卜編茅  
著尸生同隱居民釣自庖滄浪未容濯魚樵夜停敲

廣陵詩鈔

三十六

